

榮縣志卷三十五

漢詩



筠山虎

無名氏

筠山高極入穹蒼人道虎爲殃人行過此不曾傷咸陽
宮闕在平地高鹿食人無數計吁嗟苛政猛於虎斯言垂萬古
五代詩

初至郡界

榮州牧 劉兼

嘉陵江畔接榮川兩岸旌旗下瀨船郡印已分煙瘴地
朝衣猶惹御爐煙蓮塘小飲香隨艇月榭高吟水壓天
錦字莫嫌歸路遠華夷一統太平年

榮

縣志

卷三十五

藝文志

漢詩

一

登郡樓書事

偶奉綸書蒞旭川郡樓佳致盡依然松欹鳥道雲藏寺
月滿魚舟水浸天望帝古祠花簇簇錦城歸路草芊芊
有時倚檻垂雙袂故國風光似眼前

郡齋寓興

依約樊川似旭川郡齋風物盡蕭然秋庭碧蘚鋪雲錦
晚閣紅葉簇水仙醉筆語狂揮粉壁歌梁塵亂拂花鈿
情懷放蕩無羈束地角天涯亦信緣

去年今日

去年今日到榮州五騎紅塵入郡樓
緄虎只知迎太守

鸞夷不信是儒流
姦豪已息時
將泰疲瘵全
蘇歲又周
聖主若容辭
重祿便歸煙
水狎羣鷗

蓮塘霽望

新秋菡萏發紅英
向晚風飄滿
郡馨萬疊水
紋羅乍展
一雙瀾瀾繡初成
採蓮女散吳歌闋
拾翠人歸楚雨晴
遠岸牧童吹短笛
蓼花深處信牛行

宋詩

此君軒爲王元公題

黃庭堅

王師學琴三十年
響如清夜落湖泉
滿堂洗淨箏琶耳
請師停手恐斷絃
神人傳書道人命
死生貴賤如看鏡
晚知直語

榮

縣志

卷三五

藝文志

漢詩

又二

觸憎嫌深藏幽寺
聽鍾磬有酒如澠
客滿門不可一日
無此君當時手栽
數寸碧聲挾風雨
今連雲此君傾蓋
如故萑芻相奇怪
清且秀程嬰杵曰
立孤難伯夷叔齊
採薇瘦霜鍾堂上
弄秋月微風入絃
此君說公家周彥
筆如椽此君語意
當能傳

戲用題王元公此君軒原韻奉答周彥公起予之作
此道沈埋多歷年
喜君占斗鬪龍泉
我學淵明貧至骨
君豈有意思無絃
瀟洒侯生非爵命
道人胸中有水鏡
霜鍾堂下月明前
枝枝雪壓如懸磬
敝帚不掃舍人門
如願不謁青鴻君
來聽道人寫風竹
手弄霜鍾看白雲
平生竊聞公子舊
今日誰舉買山秀
未知束帛何當來

但有一筇相倚瘦欲截老龍吟夜月無人處爲江山說
中郎解賞柯亭椽玉局歸時君爲傳

入榮州境

寶章閣待制

陸游

一起一伏黃茅岡崔嵬破邱狐兔藏炯炯寒日清無光
單車終日行羊腸村落聚首如驚麀亦有銀釵伏短牆
黃旗翻翻鼓其鏗畫角嗚咽吹斜陽長筒汲井熬雪霜
輾轉伊啞官道傍渺然孤城天一方傳者或云古夜郎
其民簡樸士甚良千里鬱爲詩書鄉閉閣掃地焚清香
老人處處是道場

初到榮州

榮

縣志

卷三五

藝文

宋詩

二

亂山缺處城樓呀雙溪冉冉晚吹笳烟深綠樹臨絕壑
霜落淺瀨鳴寒沙廢臺已無隱士嘯遺宅尙有高人家
鈴齋下榻約僧話松陰枕石放吏衙杯羹最珍慈竹筍
餅水自養山薑花地爐堆獸爇石炭瓦鼎號蚓煎秋茶
少年遠遊無百里一饑能使行天涯豈惟慣見蓬婆雪
只恐遂泛星河槎故巢肯作兒女戀異境會向鄉閭誇
一杯徑醉幘自墮燈下髮影看鬢髮

自唐安徙家來和義出城迎之馬上作

身如林下僧處處嘗寄包家如梁上燕歲歲旋作巢豈
惟人所憐顧影每自嘲眼看佳山水不得結把茅造物

困豪傑如視餓虎哮要令出精神感激使叫呶頗思投
筆去走馬盤雲旂三更冒急雪大戰梁楚郊

醉中懷眉山舊遊

對酒少和氣哀歌無歡情故鄉不敢思登高望錦城錦
城那得去髣髴墓頤路遙知尊前人指我題詩處我雖
流落夜郎天遇酒能狂似少年想見東郊攜手日海棠
如雪柳飛綿原註漢嘉術者袁牧童謂予明年春分後當還西州
齋中夜坐有感

荒山爲城溪作壕風鼓巨木聲翻濤鳴臯乘屋彈不去
狐狸欺人怒豎毛雨來紅鶴更可惡爭巢一似嬰兒號

榮

縣志

卷三五

藝文志

宋詩

三

城孤屋老草木茂正坐人少此輩豪急呼五百具畚鍤
欲掀窟穴窮腥臊忽然語罷卻自笑殘年何至與汝麀
浣花江色綠如黛春波灑灑浮輕舸行當繫纜柳陰下
仰聽鶯語傾香醪

晚登橫溪閣二首

樓鼓聲中日又斜憑高愈覺在天涯空桑客土生秋草
野渡虛舟集晚鴉瘴霧不開連六詔俚歌相答帶三巴
故鄉可望應添淚莫恨雲山萬疊遮

犖确坡頭筇竹枝西臨村路立多時賣蔬市近還家早

煮井人忙下麥遲

榮多鹽井秋冬收薪茅最急

病客情懷常怯酒山

城老景盡供詩晚來試問愁多少只許高樓橫笛吹

高齋小飲戲作

梅花又發鬼門關坐覺春風萬里寬荔子陰中時縱酒
竹枝聲裏強追歡丁年漢使殊方老子夜吳歌昨夢殘
白帝夜郎俱不惡兩公遊處得憑欄

原註子五年
閒自夔客榮

虎洞

空山秋老木葉黃茫茫百草凋秋霜透迤深谷白晝靜
羣鴉競噪眾鳥翔洞中有虎何猛烈牙如利刀爪如鐵
奮髯掉尾初出穴昂頭四顧吐其舌雙眸忽動飛電迴
層崖長嘯陰風來山中藜藿誰敢採野外狐兔皆悲哀

榮

縣志

卷三五

藝文志

宋詩

四

嗟虎之猛有如此自是貪殘日無已豈無壯士裴將軍
彎弓射之殄其類方今上有聖明君廣愛民物懷深仁
推誠不覺祝羅網登用牧守需賢人四郊無事民安堵
有若劉琨多善政嗟虎雖猛當如何胡爲飲泉卷之阿
明當負子東渡河

龍洞

峭嵯磨天如立壁柗根橫走松倒植呀然一岫驚倒人
空洞坡陁三百尺幽陰宜爲異物托角爪痕齶猶可識
想當蟠蟄未奮時腥風逼人雲觸石一朝偶爲旱歲起
捲海作雨飛霹靂向來伊呂正如此莘渭千年有遺迹

我欲酌酒招蜿蜒安用辛
苦常行天太平海內多豐年
歸來故祠聽管絃

東山

老慣人閒歲月催強扶衰病上崔嵬
生爲柱國細事耳死畫雲臺何有哉
熟計提軍出青海未如喚客倒金罍
來朝日出春風動更看青天萬里開

別榮州

浮生歲歲真如夢一枕輕安亦可人
偶落山城無事處暫還老子自由身
嘯臺載酒雲生屐仙穴尋梅雨墊巾
便恐清遊從此少錦城車馬漲紅塵

榮

縣志

卷三五

藝文志 宋詩

五

榮州

汪元量

錢塘人

醉倚高樓上裁詩得五言蠶叢雲幕幕
鳥道月昏昏妓女吹金管庖丁洗玉盤
客癡渾不寐府主更開樽

來薰亭

丞相張商英

嚮明軒檻滿烟雲延得薰風似故人
愜解爲宣虞帝化南來不是庾公塵
深林蘭芷香先到勝地溪山影亦新
不必常揮謝安扇自揚仁德在斯民

廉訪使楊嘉謨

亭枕古城隈軒窗四面開
頌條宣帝化興利阜民財
吹見棘心盛生從蘋末來
熙熙目前景止此是春臺

武安祠

夔路張寅
運使

劉先主客荊州日得諸葛孔明取荊州後得龐士元
其入蜀皆兩先生之策也大會於涪士元亟裁以正
義其旨蓋甚遠矣襄陽耆舊論三國人物以孔明士
元司馬德操並稱有以哉余被命外省過士元祠賦
此

元德志四海如龍不可羈曹瞞鬼蜮態稽首英雄姿荆
州屬暫寓人物取不遺臥龍與鳳雛收羅同一時君看
此識度老季當愧之惜哉神州地無路容馳驅晚暮計
休迫回戈因蜀資信義固慚德舉觴何樂為吾知士元

樂

縣志

卷三十五

藝文志

宋詩

六

意本以王業期慷慨裁正論雍容復微詞英雄方壯歲
百志不一施空山闕孤塚落日纏余悲嗚呼鼎峙日何
乃多英奇凜然千載後廟食方叢祠河洛傾氛祲世路
猶未夷人才定安往皇明望疇咨奄奄嘆曹季人人起
遐思誰能作九原虎嘯驅熊羆一挽河漢流浩蕩洗天
維剛風九霄來和我作懷詩

竹王祠

戶部陳其力
滇人
司務

何處仙橋是渥洼天生龍種亦奇哉浣紗人去溪流在
封竹祠非世事乖芳譽至今傳姓字遨遊不用索形骸
人閒回首閒雲鶴賦就東風入醉懷

龐靖侯祠

天上鵷班羨鳳雛
可堪王業委西隅
地當三國分劉漢
運去中原有魏吳
劔嶺風塵悲往事
銀山精氣動先驅
乾坤萬劫香名在
不用臨流起嘆吁

講教洞

高予文

一官羈絆混黃埃
壯抱雄懷久未開
我若有山如此好
掛冠即日賦歸來

明詩

來遠公館

嘉州文大才知州

路出釜川由鳥道
館開來遠別山房
一春作客稀鴻信

榮

縣志

卷三十五

藝文志

明詩

七

千里懷鄉共月光
荷蓋引風初出色
麥花擎露暗浮香
浪遊不覺疎雙鬢
今夜譙樓鼓似長

初夏止宿二首

花雨崇朝迷客路
水村閣上乍生寒
無眠坐向東軒月
遙看青蚊欲負山

輕引朱幡入峽來
綠蓑青笠伴荒苔
燈前愁唱巴西曲
願借南薰一掃災

次韻

御史楊瞻蒲州人

青春作伴不歸去
大雪臨頭却受寒
爭似故園受用好
開尊飽看首陽山

行色年年隨計吏故園松菊盡封苔何如早遂蓴鱸約
張翰焉能有後災

東川卽事二首

兵部侍郎胡子昭 邑人

柞樹尋荒逕攜壺上翠微路危行客少山僻到人稀古
廟寒雲篆幽溪冷石磯岸深駟野雉頻顧不驚飛
人道山行好山行好寂寥布袍穿棘刺草履滑松毛古
木畱雲暖清泉漱石驕獨行偏會意猿虎莫輕佻

臨難

金聲催擊鼓聲忙監斬官追上法場烙鐵火燒紅焰焰
剛刀磨利白芒芒此身刑憲飄冥府九族伶仃各一鄉

榮縣志 卷三五 藝文志 明詩 八

寄語滿朝朱紫貴鐵人無淚也心傷

大石門

學正龔 匯 邑舉人

石門門外白雲飛路入川東景物奇馬上看山呼得應
溪邊見月笑相隨松房雨潤飄丹桂桃洞烟寒護紫芝
金馬玉堂人去遠清風未許此山移

榮王府

清風坪上紹熙城 清風坪清富樓前地名 遶郭溪光照鳳鳴瓦礫

已隨朝市變樓臺無復帝王榮丹霞掩映龍蛇字碧蘚
殘消魚豕銘夜靜五陵山畔月相看無語總多情

大石門

教諭王 永

久慕東川景今過大石門兩崖高峭壁一路曲通村好
鳥和春晝清泉漱樹根銜盃登眺裏此際與誰論

梧桐溝

衛經 王本初 邑人 歷

雲樹陰森水石幽溪源盡處是梧溝路從擦耳崖邊過
人在驚心峽裏遊崖峽二地名春暖遷喬鶯恰恰秋晴呼類
鹿呦呦林深路暗行蹤滅只見桃花逐水流

榮王府

唐宋藩封古帝城春風碧草自生生簾低龍鳳姿何在
井汲琉璃水故清羅綺漫隨桃李爛居諸還向黍禾明
遊人到此懷陳迹共羨潛淵起玉京

榮

縣志

卷三五

藝文志

明詩

九

臨境道諺

贈知縣 楊石 邑人

羊腸曲徑難行馬螺髻團峯可跳猿雲起千層迷谷口
鳥飛半日到山巔水流澗底聲微瀆月上天邊影正圓
不識桃源在何許此間人擬是神仙

榮王府

宋代光皇邸明時萬竈城溪山惜樓閣花鳥眷池亭環
珮松筠耐文章宇宙亨莫憐春夢者吾黨慶昇平
釣臺

流水南來遶釣溪黃蘆秋霽故萋萋當年隱釣人何在
一片殘霞鎖石磯

四柏堂

堂前四柏面奇峰直幹亭亭倚碧空
月出滿庭金錯落雲來當戶玉玲瓏
光凝墨沼浮春綠翠擁書燈照夜紅
造物莫辭培植力三槐曾見接三公

龐靖侯祠

教諭

胡

山滇池人

棗崖壁立鎮坤維誰建穹碑紀勝思
忠憤一朝扶漢室英雄萬古著名祠
犬羊不許輕搔擾神爽應知謹護持
血食有人供祀事靈光毫髮不容私

龐靖侯祠

訓導

李遇陽

黔人

連環曾運智落度嘆神州良策緣冰鑑
香名竝武侯

榮

縣志

卷三五

藝文志

明詩

十

崇仁祠

白塔冲霄玉削峯新祠獨對狀孤忠
金川漏促心先死西市天昏道不同
氣節當年經戾塞綱常百代荷優崇
生儒隸止趨來數瞻仰長懷烈士風

典儀

但一陽

邑人

龐靖侯祠

天將冰鑑付桑翁的識才猷竝臥龍
火德燼明噓谷外鳳雛彩映夕陽中
江東鼎峙殊前烈許下表冠自託雄
爭似錦袍千古祀光聯日月著精忠

崇仁祠

時事茫茫眾所難成仁不顧此生殘
魂依北極心純赤

雲鎖東川水自寒氣節稜稜高華嶽乾坤屹屹竝逢千
蒸嘗祠下欽風烈王魏功成實可嘆

崇仁祠

嘉州知州 鄧向榮

金陵王氣付燕京慟念先皇舍此生被髮海濱嗟不遂
剖心建業恨難平金奴入侍誰揮淚志遠潛逃自忍聲
獨喜聖衷能藻鑒侍郎身後尙留名

崇仁祠

邑令 熊大輅 麻城人

西市當年不避鋒志符正學抱精忠連枝流落夷齊死
新廟森嚴陟降同環列詩書思表範面臨巖巖顯尊崇
青青松柏參雲漢多少英雄拜下風

榮

縣志

卷三五

藝文志

明詩

十一

崇仁祠

教諭 李會春 漢人

神棲寂寞鎖郊東白鶴青松伴烈風俎豆不忘臨大節
雄豪猶想貫長虹魂隨正氣千年在道爲忠貞一死隆
堦下樞趨瞻拜罷深思顏汗幾和同

崇仁祠二首

通判 楊 易 邑人

今人臣是古人臣今古何曾有晦明守義一時徵節重
存心千載見身輕於公分內剛纔盡斯道人閒覺大亨
追慕侍郎顏色在新碑高廟鎮江城

萬古綱常重若山先生負荷出人寰心同日月懸雙照
氣竝乾坤在兩閒故國時來鳴杜宇新詩刪後注風鬟

方公大節胡公繼取義成仁總一般

崇仁祠

邑令張九思

胡公祠宇建來深凜凜霜魂死尙生嶺外愁雲凝壯氣
庭前勁草發精英君臣大義名常正社稷丹心志在貞
爲愛一輪江月上清光獨照萬年明

崇仁祠

刑科右楊 鎔 邑人
給事中

節義祠堂秋草深山煙城雨傍高生靈旗尙帶嚴霜色
遺像猶存鐵面英一日草疏期報國千秋俎豆慰懷貞
九峯祀竝三榮祀共表夷齊翊聖明

東川胡公里

邑令李銳

榮縣志 卷三五 藝文志 明詩 十二

閒向東川策馬行望中無處不傷情鳥啼林谷悲春靜
雲擁簷楹鎖月明正氣萬年橫漢宇芳名千載徹重城
我來獨見青山暮爲倚闌干抱不平

書石門崖

先生古忠臣我來訪故里下馬過高梯清風只在此

廣福寺

萬古龍山未品裁我來清致可徘徊雲飛綠嶂僧爲侶
路阻紅塵卉正開石榻昔年瞿氏宿空門今日老蘇才
晚涼獨坐元無語磬徹寒泉聲若雷

清涼寺

四海名山此最奇春光留戀不知疲僧人忽自雲中出
絃管分明天上吹兩樹可容聽妙法三生何計脫塵羈
纔畱簪組貪禪境花下清陰報已移

松林禪館

副使 范淵 桂陽人

晚涼驅馬來山寺山寺晚鐘還未鳴雲翠半連天腳近
松陰一路石頭平老僧茶竈初浮白過客襟懷笑碧青
奔走不知塵裏過百年人世總相輕

松林禪院用前韻

副使 高狎 德安人

一登山寺道天籟應時鳴首座僧初定清池水自平鶴
穿松月白鼇隱鉢孟青愧我閒來往浮雲過日輕

榮

縣志

卷三五

藝文志

明詩

三

宿松林方丈

錦衣都 余承恩 青神人
揮使

翠巘層巒策馬行夜眠多雨晝多晴賦歸已足閒居好
再出休誇宦况輕萬里秋風橫一劍滿江雲氣落雙旌
不才亦有希賢志經略西南拜孔明

過松林寺讀錦衣都揮使兄詩

布政司 參議 余承業

將軍雄賦畱僧舍客裏登臨思更深萬里填篋驚合璧
百年詩禮見趨庭無邊梅樹家家雨不盡鶉聲夜夜心
歸騎嘶風應熟路何妨宵月出東岑

再過松林方丈漫書

六年兩度飯松林倦客棲遲萬樹陰大謝二篇春草意

西堂夜雨動清吟

謂其兄承恩承勛也

松林寺次前人韻

僉事

劉

儒

徽州人

夜來疋馬度禪林松柏森森滿地陰山寺幽閒僧臥穩

當年悔不效長吟

僉事

焦市程

南陽人

雨中曉發

山寺鳴鐘杳靄閒夜闌燈火宿禪關夢回苦海雞初唱

笑指恆河僧未閒風雨那看馳驥足雲嵐一任鎖松山

空將蹤跡紅塵老何不山中覓大還

雨夜遇宿

失名

山夜仍衝雨荒庭見候僧張燈村火乞開榻野雲憑清

榮

縣志

卷三五

藝文志

明詩

古

夢猿呼斷冥心雁語增有懷賢地主迂蹇媿良朋

蝸角洞

提學副使

王文

蝸角虛名能幾何山頭誰鑿白雲窩石床小可不須大

容得閒身受用多

書榮公署二首

分守參議

樊得仁

朝邑人

我祖當年此宦遊我生宦邸七經秋幕蓮棠蔭人猶誦

驄馬薇垣自愧浮榮戟重來傷往昔江山不改舊風流

青青塚上松楸拱回首關河淚未收

再過三榮感舊遊春光不改去時秋山城景色還如故

人物衣冠半已浮弭盜救荒成往事築城督捕尙傳流

明明我祖循良績他日應勞太史收

追賦牟女打虎救母詩

有序

四川按察司僉事

范

純姑蘇人

宋嘉泰四年七月二十九日榮德縣北箐口民女阿回牧牛於龜子山至晚母王來接與歸半路遇一虎銜母去阿回手持牧牛竹梢疾走逐虎及之號哭打虎背四五下虎遂舍其母坐於地阿回直前扶母母尚能言既而其父與其隣來虎方退而母死矣阿回時年十餘歲也事上於郡郡守朝奉某公嘉其孝旣旌賞之權縣莫伯祥復鏤本以申勸戒嗚呼賢守令用心若是切至當時習俗欲不厚得乎余按郡至榮

榮縣

志

卷三五

藝文志

明詩

五

偶得石刻讀之重有所感因歎息累日然未有為賦之者自念於古人雖無能為役而導民為善亦分所宜然遂撮其大要歌詩以傳播其事使人讀之知所感發興起而於世教亦未必無小補云母名乞女父曰牟四老詩曰

猛莫猛於虎弱莫弱於女孝心一激勇勃然眼中之虎一如鼠榮德有女身姓牟田家作苦長牧牛龜子山頭日將夕母王來叫歸來休牽牛同母行無慮虎忽半途銜母去牧牛三尺短竹梢持以逐虎打虎背大聲號哭聲徹天虎為放母口收涎直前扶母母猶語語罷身死

山之邊母雖不幸死於虎猶得全軀入黃土人虎不敵
世共知烈烈孝勇女莫伍于時宋朝嘉泰年全蜀民物
熙熙然賢哉守令重風教特加旌勸禮意全去今將及
三百歲事載翠珉昭弗昧讀來毛髮寒竦然激烈頓令
驚五內吾鄉水氏曾救夫持挺殺虎在斯須論人於此
相伯仲曰孝曰義心不殊我慚久任觀風職兀坐霜臺
興歎息邇來聽斷久停車骨肉紛紛訟如織作詩特地
勸吾氓此心此性天生成盡心竭力做好事何容此女
專芳名第一好事敦孝弟出則移忠於所事人人君子
家詩書三代淳風藹斯世

榮 縣 志

卷三五

藝文志

明詩

六

粵王化旣邈習俗澆薄雖父子兄弟夫婦利害所在
不相顧惜甚至戕恩賊義有難言者余遷守茲郡聽
讞之際凡悖倫傷恩者靡不開其蔽而通其明全其
情而懼以法然固有心革威懾翻然悔悟者而倫理
尙未見厚訟獄終未能清豈身教之政有未至而習
染之錮未易新耶僉憲范公追賦牟氏女打虎救母
詩惓惓以牟女之孝爲足重而守令能旌勸爲可嘉
復申諭吾民勿使是女專美於前公之意必扶持世
教弭息訟源不特文字之可稱述而已凡在吾民獨
不思牟一弱女而孝心激烈捍虎救母奮不顧身况

壯而爲男子者乎又况讀書明理爲大丈夫者乎

嘉定州知州魏瀚跋

廣教寺

敘州趙遠江西通判

一劍橫腰漫爾遊雙旌凌曉野情幽竈烟漠漠晨生白
溪水亭亭咽不流觀俗頗無苛似虎謀身真許拙於鳩
山雲莫怪行蹤急別有人閒一種愁

清富登臨

名樓境界絕誼諱俯仰溪山意趣佳玉露冰壺清徹底
香風羅綺富無涯畱連時景家家月消遣光陰處處花
政暇有人舒遠眺太平官府蚤休衙

榮

縣志

卷三五

藝文志 明詩

七

嘯臺遊賞

曉起東山日色晴嘯臺遊賞快閒情路從金碧巖邊過
人在丹青畫裏行大笑何妨天地闊放懷渾訝洞龍驚
香風滿袖歸來晚得句推敲步月明

榮德晴嵐

和氣熹微弄曉晴遠山放出半空青連天碧擁芙蓉掌
映日光凝翡翠屏文豹隱時斑已變蒼龍吟處夢初醒
遙知出岫成雲雨定瀉天河濟太平

筠山夕照

金支閃閃耀青驄返照回光映碧峰莫訝羲和停日晷

每多列子駕仙風雲林出色成文繡烟樹增輝掛彩虹
馬上垂鞭迴首望此時清興正無窮

棗巖之勝廢弛久矣感錦川張侯九思爲之再造賦此
暮靄林端縱曠懷千峯西下笋初排相期一酌臨孤峭
淨掃人閒萬頃埃

松逕行穿出綺霞石橋小坐拂輕紗隔溪簫管渾閒事
待聽平夷競鼓笳時邊警未寧

國朝詩

送張容任青陽

翰林侍讀樊澤達宜賓人

九華卓立大江南雙鳥新肩百里擔竹馬雲屯迎父母

縣志 卷三五 藝文志 國朝詩 六

花城春曉種梗楠英豪盼爾三稱異懶慢慙予七不堪
別後臨風肯相憶鯉魚封寄素書函

寄族姪容

大學士張英桐城人

數載青城教澤宣清河獨爾繼前賢徵輪閒裏調琴鶴
斷訟平時愛石泉雅化崇儒分薄祿高風課子富鴻編
更忻同譜情逾篤兩地惟憑尺素傳

鳳鳴朝陽

邑令黃大本

鳳鳴盛地煥絲綸旭日瞳瞳氣象新城勢似環山作鎮
溪流如帶草成茵祀同七曲開文藻影瀉千竿憶古人
從此高岡輝羽翼何妨載筆勒貞珉

龍湫夜月

天光水色本分明月印波心分外清
碧落乍看飛玉鏡空潭更喜挹晶瑩
杈枒古木猿聲寂壁立巉巖夜氣縈
錯認驪龍珠在抱會教霖雨潤蒼生

萬景岑樓

出郭登山杖履艱岑樓遺跡費躋攀
遙瞻雲樹迷三楚近接岷峨控百蠻
延竚移時舒嘯詠掉頭歸路俯塵闌
莫言景物成虛幻滄海桑田總一般

雙溪書閣

潛夫削籍數偏奇二子成名賴姆儀
欲避塵囂先擇地思傳詩禮更延師
猿啼鶴唳真清絕柏翠松蒼好護持
講教洞臨溪水碧自來天道總無欺

清富登臨

當年景物已推遷清富名標却宛然
一派笙歌常寂寂滿城風雨自年年
登樓遠挹千山翠臨水低迷幾樹烟
欣際太平無所事振衣濯足正蹠蹠

嘯臺遊賞

金碧巖前認嘯臺攀藤拾級興悠哉
幽尋是處皆參佛遊賞何人不捉盃
水泛清溪光似練聲傳空谷響如雷
孫登去後誰同調悵望天涯數劫灰

榮德晴嵐

聞說希夷竈有丹出關老子亦停鸞晴光激射連天碧

山氣濛籠映日寒石室曾經文豹隱蓮池可有蟄龍蟠

山中石室二十四所龍池有千葉蓮千尋拔地如能到雨霽烟消縱大觀

筠山夕照

筠山高與白雲齊返照餘光促馬蹄虛市蚤看朝似醉

桑榆晚愛景垂西晴霞倒映烘谿闊倦鳥知還著樹低

聞道齊城名不夜人間亦復慕丹梯

龍山豎筆

南山名虎又名龍山名虎頭山明邑令王夢魁易為龍頭山塔影羣推文筆

榮

縣志

卷三五

藝文志

國朝詩

二十

峰橋號進賢欣躍鯉寺傳興國聽鳴鐘元祠頽廢今榱

桷辛巳冬建龍王閣於鎮南塔下遺蹟荒涼舊辟雍有宋科名最盛試文廟碑碣可考

看真如崖土圻人文蔚起羨儒宗俗傳真如崖土崩裂為榮邑文明之兆

翠壁凌霄

乘興探幽景物饒諸峯峭拔勢凌霄山形面面皆如削

翠影重重不易描鳥解高飛無罣礙僧知入定自逍遙

吟瓢酒盞尋常事空谷憑誰舉手招

漁磯垂釣

榮隱先生烏角巾磯頭兀坐自全真無心渭北飛熊兆

不讓桐江遁迹人月白風清餘片石天荒地老剩閒身

劇憐富貴浮雲是逸韻難徵問水濱

石笋排空

路接西南徑轉幽排空石笋幾千抽雲歸嶺畔形偏瘦

雨洗苔痕翠欲流驛使從教勞指點此地曾置郵傳萍蹤偶憩

輒勾留近年設有客舍當年蘇氏名相亞元祐間日子瞻兄弟為成都兩石笋欲

紀風徽擬築樓

旭川紀事

戊寅六月二十一夜半子時山雨集雷轟電掣黑氣屯

乖龍怒號神鬼泣咫尺城南水拍天狂瀾衝決勢孔急

城中窪地喧蛙聲老弱扶攜恐不及皇天悔禍雨腳收

榮縣志 卷三五 藝文志 國朝詩 三

黎明出郭聊撫輯死者已矣生者歎時淹斃二命安危得喪

分呼吸或云兩河孽蛟拔地起屈指往事年六十或云

老山地勢如建瓴東西倒瀉水壁立余愧父母乎斯民

瞥眼乍見心嗚嗚欲為善後計長久築城鑿池並汲汲

濠身展拓數十尋蓄洩便於水出入沿溪堤功亦勿遲

永永庶得保井邑恆情慮始頗覺難庸以勞民比束溼

作詩紀事貽後人官民利害貴相習

己卯秋補葺榮城工竣

敢言百廢已俱興辛苦艱難一力承二水環流仍蕩漾

五山作鎮本峻嶒情慙保障人知否邑有逃亡問未曾

酒醴笙簧真細故撫心常自切冰兢

開濬西河

金碧巖前地脉通東川直達氣如虹遙瞻雉堞依雲表
俯矚霞光入鏡中欲覓烟波先插柳莫禁楓冷愛題紅
嘯臺咫尺堪憑眺私喜安瀾仰化工

題此君亭

有序

涂逢豫

蕪溪

官解之西隙地數畝有池焉環池皆修竹浮青暈碧
映水同色池上故有亭歲久漫漶欹側因其材而更
新之而於亭之東北復誅茆爲屋二間構櫺欄楹前
後左右若蓋者蔽者悉以竹爲之庀材無多工費甚
約秋七月既望落成之日與客瀟茗置酒而樂之而
顏之曰此君亭撫景感懷成詩四首

榮

縣志

卷三五

藝文志

國朝詩

三

車驅齊晉復幽燕屈指遊蹤憶昔緣白遂看花香旖旎

路河天橋灣與吳指
香林繡谷諸人觀荷

大陵種樹影嬋娟

文水令顧強叔
爲余種花樹書

院幾

徘徊舊雨人何在檢點殘編思黯然

昔游皆

中酒

高歌更長嘯可無餘興慰衰年

十載瀟陽烟樹濃吳頭楚尾意無窮巖奔雪瀑經山脊
路涌銀雲入皖公聞道揚風沐雨後傳來金簡玉符中
匆匆別去情何極回首江花二月紅
春仲自
皖之楚
去住行蹤可自由生平寄寓等浮漚瞥然明月三更夢

忽作長江萬里遊灑灑堆連巫峽水峩眉山接錦城秋
流光不住云何住且住爲佳任去留

倏爾新亭在水涯偶然風味亦清嘉蘭叢侵曉都含露
蓮渚逢秋尙作花鳳尾參差當護惜龍材勃兀更橫斜
漫言信美非吾土我自清溪上有家

此君亭補植芙蓉楊柳歌

并敘

邑令

龔 巽

榮城枕四山麓署西偏地凹下廣可百弓許昔人因
勢利導分強半爲池一分圃二分植雜木樹草亭於
水中央通以略約紅蓮文藻錯出其閒可流觴可把
釣可狎鷗鷺至者輒作莫愁湖上想不復知爲竹王

榮 縣 志

卷三十五

藝文志

國朝詩

三

之國矣但望牆外岡阜如小兒仰面老輩苦不能悉
眉目爲缺恨焉蕤溪老人余戚里也初辛丑歲其嗣
君松巖與余同日選蜀余以親老故改銓皖江時先
生亦任潛山博士僑寓於省垣王家亭子中共坐臥
數晨夕者數十日壬寅歲松巖宦於榮先生乃去官
就養入署後仰而嘆俯而思縱覽忽若有得爰卽高
阜處創此君亭洞達八窗去幃幕寢饋盥櫛不踰閭
闔晝則盍朋簪較棋酒閒製長短調拍付歌人絃管
暮則懸珠燈於樹影波光中迷離愔恍山若突然而
高水若淵然益深天時人事誠風雅流輩一生豪舉

哉逮庚戌秋余莅治官先生宰木拱矣先此軼事皆
得諸門子口說詢此君亭則兩載前頽而不理業供
竈婢爨火環步曲池草蔓烟荒了無人跡惟枯楊根
上春氣未息作柔條莖莖如線存死灰復然之意耳
園與署雖僅限一垣下石級數武然案牘事不接於
目號呼聲不入於耳雲流水止居然別有天地焉偶
休暇借爲湯沐邑大類武陵漁父入桃花源祿聽一
新雖未能久畱實切快意况刺舟返棹可得故步乎
因歲杪霜雪時斷金線柳百餘條三變芙蓉枝亦如
之用西湖六橋法錯綜閒插爲春風秋月預置歸宿

榮

縣志

卷三五

藝文志

國朝詩二

地至若廣先生遺意就舊址立小樓踵行觴詠網羅
溪山此等廢興大有福命在未宜先設計較墮諸幻
想業因緣一到有願不償者如此君山靈石丈與聞

斯言

池邊旣嘆見山淺屋中又恨去水遠二美難兼熊掌魚
議割所愛誰當遣蕙溪老人就養時思登壟斷居其奇
此君亭成眼光活八方上下無不之開窗我主眾山客
排闥不知庭宇窄回顧池心碧玉簪醉止賓筵脫巾幘
沿堤插柳閒芙蓉齒蒼圍入錦窠中花魂波影互搖曳
凡諸色相皆玲瓏憶昔陪遊皖江上與適樓東臥酌唱

潑墨毫涵九華雲長歌節擊黃湓浪

先生工書畫兼長於詩

我來

公去址空存手栽大半供樵斤故吏艷傳詩酒社花皆有福能長春慚無風雅繼前代自信此中微有會琴焚鶴煮何必無若輩且須置度外三九四九風雪號勾萌胎結元氣包橐駝之業亦不易冥心直造天地交樹藝既儲樓擬葺眼睚擲向虛空立花吾步幃柳吾門水吾楹檻山吾壁亦知種樹需十年官如傳舍少息肩難留雙眼見拱把况擬百尺藏風烟我樂人樂等樂耳何必寥寥區彼此昔人到即遺愛畱快事寧忍及身止石可為友鷗可盟無情情至亦生情何時花開不可酒何地

樂

縣志

卷三十五

藝文志

國朝詩一十五

春風無月明未來過去中無我領取眼前吾計果君不

見榮藩故府青山空羅漢松根吹鬼火

宋紹熙光宗潛邸日分藩於榮

故宮在清富山下今為圍圃矣有羅漢松一株結實作優婆曇狀為他處所無

治官雜詩五首

阿衡誕降本空桑元鳥天生起大商用夏變夷歸漢籍

浣紗溪上夜郎王

釣臺千古首嚴陵大澤羊裘尙得稱何似筠山老榮隱

祇畱石印識圭稜

榮隱先生室在筠山有石如印旁為榮隱菴故名石印山又名老筠山

高臺長嘯說孫登南渡嘉名已艷稱載籍無稽仙跡幻

半空鸞鶴或飛騰

趙宋分藩有紹熙崖屏九摺故宮基杖藜訪古孤松在

羅漢松一株石馬橫眠又幾時

洞門煙水石粼粼絳縵傳經此澗濱一孝一忠名蓋代

向夫人竝仇夫人

夫人為宋王夢易妻子庠序夫人闕講教洞教之皆成大儒

丙寅仲夏觀荷鏡香亭小飲聯句用白香山新昌新居

韻有序

郡守宋鳴琦梅生

三榮當南宋時蓋西南一大都會往讀晁陸諸公詩

文集備言山川風土之美心艷之而無由至也歲夏

五以公至止因得涉覽彌歎昔賢歌詠不虛匯泉許

明府時宰是邦留憩縣齋之鏡香亭亭蓋新葺環以

榮

縣志

卷三五

藝文志

兩朝詩二十六

水可十畝烟汀霧澈亞以樓臺朗朗然如在鏡光中

也於時快雨初晴風荷萬柄清尊紅燭繼以歌詩諸

君子及從游人士各有倡和遂成巨帙夫晁陸尚矣

佳游本事循吏才人遠情斯在明府珍茲盛會欲壽

諸石以傳之烟想霞思風流如昨披吟再過毋亦有

不薄今人而愛古人者乎

舊地快新遷佳游訂往年黃梅初過雨

梅生

青笠正耘田

攬轡攀層磴

劉應蕃

鳴騶度遠壩勞農施懋獎

郭栢杰

敬老

引華顛欵欵詢禾黍

陳一

勲勲課市椽計程稽廢埃

唐張

友訪古剔荒磚水穀爭搖旃

何椿齡

山花故壓肩一宵園

竹語梅生

一簋野蔬筵雲豁遙岑外

蕃

風清曲蓋前峩峩

榮隱近梔

乙乙冶官連郭抱雙流合

湖

原圍萬井偏江

山唐域貴友

文物宋人傳恰數羣英聚

椿

歡聞小隊便

黍迎巡部澤許源

日暖進城烟所愧香花供

梅生

同將孺穉

牽旌旗剛止處蕃

樓閣小吟邊承蔭春生屐

梔

開窗翠

潑天畫橋低亞水

湖

冰簟軟鋪綿境以壺中大

友

帷還

鏡裏褰鸞看荷柄柄

椿

猶帶露娟娟九品宜參佛

源

三

峯欲問仙長庚憑爾酌

梅生

太乙竟誰眠印雪痕方記

蕃

題襟席已專繡衣京兆讌

梔

鶴俸汝南錢泛覽劉歆籍

分嘗陸羽泉桐圓秋有信

友

笛好客初撚忽草蟲魚

榮

縣志

卷三五

藝文志

國朝詩

三七

疏椿橫張鄧馬弦濛濛湖海合

源

藹藹蕙蘭全一昨瓊

華夢梅生

頻年席訴纏于焉梅共詠

蕃

寧笑蟻趨羶屈曲

蟠金戍

湖

連環閱錦乾食單明府饌

友

行幕使君蓮悵

未偕歐九

明府曾邀杏坊秀才

以事不果至

椿

慚茲樹橘干幸猶歸藻

鑑源

總與悟香禪語妙拈來得

梅生

詩愁醉後痊持繩還

繫日蕃

卜夜更隨綠電影搖官燭

湖

簷花幌彩箋琴尊

名士氣

友

燈鼓酒人篇戴斗杓應轉

椿

傾珠茗載煎願

船森欲曉

源

高誦各陶然

梅生

丙寅仲夏于役榮州觀荷懸齋歸途得詩四章寄匯泉

明府兼東雲階別駕

宋鳴琦

小隊凌雲喚渡來石堂溪外略徘徊好山乍沐徐徐轉
涼稻如油一一栽比屋聚烟村市集老農含笑晝耘回
半宵草草荒園榻細剔苔斑解竹胎

榮梨山下萬人家樹影環城路幾叉勝地分應寬禮數
賢官民亦愛清華香生茂叔泂池水客品盧全午晌茶
身在鑑湖渾未覺片雲頭上日初斜

山中竟夜雨離披曙色輕烟起較遲新漲纔添四五寸
高荷稍失兩三枝尋芳心醉非關酒覽勝人多合有詩
最喜更浮秧馬足梯田高下正相宜

歸程那惜馬蹄遙頻逐飛泉下碧霄良友簪裾山館蓋
部民雞黍客愁消藕絲不斷縈懷切雨片無端帶霽飄
莫笑閒遊動三日北行未負采風謠

榮

縣志

卷三五

藝文志

國朝詩

二十六

和韻

邑令

許

源

匯泉

朱蓋青驄按部來懸知問俗每遲徊程程騶唱千村繞
漠漠墟烟萬頃栽茅屋書聲榮隱近戍樓人語鐵山回
關心長記豐年兆早稻花含一寸胎

山城斗大幾人家父老壺漿列路叉小縣慈雲交掩映
炎天佛日自高華來游合繼山陰屐略分同嘗社後茶
頗有光明香滿鏡披風漫笑鬢絲斜

南帆昨歲記星披白苧清歌到未遲磨馬依然循故轍

翔禽耐可息寧枝前塵總賴棠垂蔭舊業何當老廢詩
五載三榮山下路宦情吟思笑相宜

盍簪劇喜朶雲遙迴合居然聚碧霄韋使賓朋緣共治
謝公山水福能消歸時綠沼波加積到處紅蓮馥自飄
沅芷澧蘭慚小草採風謬許附歌謠

擬陸放翁高齋夜飲

候補州同劉應蕃元和

夜長長似年何以消磨此憶昨步城西俯可矚遐邇寒
犬吠深林短荻迷遙汜半生誤浮沈百事隨流止有酒
慰羈窮無肴亦甘旨西風大散關匹馬忘星紀奔走東
西川太息肉生髀不飲復何爲功業良已矣我去茲安

榮

縣志

卷三

藝文志

國朝詩

三

歸一曲鑑湖溪

題新築此君軒仍次山谷原韻

涪翁小住戎州年逸興往往歸林泉榮州道士

王元識公

琴趣獨對此君時鼓絃榻來寄詩非報命兩心相印波
中鏡紙窗瀟灑千竿風斗室幽沈一聲磬蔓草已荒古
廟門羽衣莫繼舊王君疎畦仍自圍青嶂過客空登眺
白雲高陽明府許雁規其舊更爲廣厦拔俊秀前爲試士之所
湘江淼淼鄉思遙嶰谷冷冷清影瘦山頭猶照宋時月
人事變遷不堪說今日經營拓是椽後忘補葺誰爲傳
鳳鳴山館吉祥草花發特茂詩以誌之

忽驚瑤草茁擎出小玲瓏冷傲凝霜月香生秀菊風十

年艱遇合

此花十年一開見任上林賦序

萬里感窮通邂逅相逢處鄉

園憶舊叢

猶記童時於庭院見之

冬日曉登榮梨山

百八晨鐘霜欲晞篋與欵欵扣禪扉正逢迎面白雲散

無數打頭黃葉飛萬里孤蹤成久滯十年薄宦計全非

放翁已作流風逝憑弔何人問翠微

登望景樓

人煙浮曉郭山翠落榮梨欲攬川南勝何妨再躡梯

此君軒懷古

邑教諭李醇信塔山

榮

縣志

卷三五

藝文志

國朝詩

三十

五陵佳氣萃山城突起高岡號鳳鳴種竹元公會不俗

題詩山谷倍多情琴收玉軫凌空響井湧龍泉徹底清

今日名軒重結構

嘉慶十一年許明府重建

此君依舊蔭三榮

重修大佛崖落成

錫杖飛來卓翠巒昂藏高入碧雲端禪心不向城中寄

法眼翻從市外看此日樓居金作繡當年露坐石爲闌

儒生久奉尼山戒慧炬重光亦所歡

九日陪許明府登望景樓

旭川百里古榮州八景曾標望景樓鳳棲山上遺址在

重新佳構賴賢侯我來落成剛一載突起西山插雲靄

秋風颯颯入重陽登高有約挈寮案追隨最上一凭欄
四顧東南縱大觀三榮城內如圖畫萬家烟火掌中看
流覽未已日將午香出郇廚列酒脯嘉會人人逸興豪
競以佳作酬明府惟予侍側愧青蓮才無斗酒詩百篇
所願年年逢令節同佩茱萸謁呂仙

樓首層奉
呂祖純陽

講教洞懷古

榮州王氏有兩賢昆季才名冠旭川商彥更官宣撫使
光大門閭父憾湔進推所自良不偶夫人壽後勤且專
洞開講教敞如厂黃卷青燈年復年吾聞柳韓與歐鄭
九熊畫荻意殷拳古來英哲成大器往往造就由庭萱
向氏夫人繼其後質之兩媛何愧焉子旣興宗夫亦顯
不獨勁節昭彤編君不見橫溪閣歸來亭宣和陳迹散
風煙惟餘聳雲山下石谿訝如故千載傳

培修宋廉遜處士王庠碑

并序

邑令

楊岳東

山東
寧海

道光三年六月居民告余曰宋處士古墓爲地主侵
耕且甚因偕其鄉紳士往視之平巒長坡荒草一坵
徘徊無所徵有於墓前掘得殘碑野人已鑿而圜之
惟廉遜處士數字朗然獨存或請易以新石余曰不
若砌其圜而方其外以表於墓存古蹟也茲歲莫春
將去是邑爰以三十二韻紀其事勒石學署庶使昔

榮

縣志

卷三五

藝文志

國朝詩

三

賢碑墓不至湮沒於蔓野邑之人士覽者亦有所振發焉

昔讀坡公集海外文更奇策論氣習盡天放才不羈中有箋幾幅妙論千古師讀書數次過應敵八面宜此語爲誰發萬里寄親知因慕王庠名言訪王庠碑苔蘚有石穴荆棘無野祠如何買山者耕田侵墓基其後齧溪澗其下浸塘池田父或愴感薦紳難言之殘碣沈稻水掘得水中坻毀方圓如磨沙泥極洗治獨有廉遜字秀勁盤蛟螭藉此一片石考信無復疑遂使柳下壟樵探戒氓蚩豈非潛呵護精靈儼在茲生前有知己范呂多

縣志

卷三五

藝文志

國朝詩

三

薦辭庭堅及舜民素心相與期誓日先志洒憂國言行危大節森青史徵舉談笑麾官階遜其弟田里義不辭惜哉世論刻而云晚節衰弟貴起宅第兄避舍茅茨是爲於陵子矯節奚若斯鬱鬱松樹坡華表禾田畝俗呼王庠塘咫尺冢相離昆季殊榮隱歿後名共馳生死相依賴千秋豈一時貴盛易零落才士聲獨施世無蘇長公湮沒良足悲論交元祐黨問奇懷天涯風氣真不朽雲壑發長思

孝女

王培荀

山東淄川

榮邑杜其泮女字張姓嫁有日矣其泮忽病女念祖

母八十餘父無子嫁後無人侍養日夜號泣撒環翦髮茹素祈禱父病甚危女於月下祝天用刀割股昏絕於地片時復甦烹肉以進父病遂減三日痊愈逾月母生子至婚期仍不欲行父母交責之乃歸張氏克盡婦職今年六十餘矣生子二俊三桂三俱成立人以爲孝感云廖庶常扶九錄其事爲徵詩詩未能工第以表揚風化爲有司之責耳

父也天只母也天只阿母有女阿父無兒父病若死祖母無兒男則有室女則有家女在代子女嫁離爺祖母已衰兮在堂阿爺忽病兮臥牀女侍側兮徬徨嫁期迫

縣志

卷三五

藝文志

國朝詩

三

兮心傷中庭寂寂月明良夜迢迢露清女執白刃兮有淚無聲藥無效兮醫告別禱無應兮香欲滅身不自愛兮呼天泣血股肉將割兮肝腸斷絕神思冥冥昏去忽醒心與天謀肉帶血腥父能長在九死無悔竭此微誠精衛填海一鬻進兮甘不吐二豎逃兮喜欲舞母又生兒兮啼索乳感悅極兮淚如雨願終身在室兮常依翁姥嚴慈交責兮賦桃夭賢淑共著兮有子克紹靈佑孝女兮天道昭昭願告太史兮採茲風謠

署中雜咏

炎蒸無地避驕陽白羽頻揮亦太忙每到虛亭塵世隔

荷花四面水中央

嘗從畫裏見幽詩民事艱難自昔知最好城中似城外
新秧纔綠雨絲絲

夜雨瀟瀟溼綠苔虛窗倚枕獨徘徊芭蕉葉共千竿竹
并挾秋聲入座來

開軒北面小橋通曲折迴廊地數弓一陣清香醒客醉
紫薇花裏過來風

淨綠池塘水漲初朱欄曲曲護階除停雲閣裏渾無事
讀罷南華學釣魚

榮

瓦屋三閒白板扉雜花繁樹粉牆圍三更院外空雲水
縣志

卷三五

藝文志

國朝詩

三

玉笛一聲旅雁飛

但能積土亦成岡莫笑愚公不自量十丈金身雲外現
遙看飛閣壓城牆

署中土岡上
望見大石佛

海棠香國亦無花且向庭前看木瓜略似玉人簾外立
茜紅衫子颺輕紗

凝翠樓落成

支板爲樓大半閒芭蕉扇扇竹斑斑虛窗盡啓空明甚

坐愛城頭遠近山

城內外山
皆可見

一灣綠玉數峰雲快雨新晴錦繡紋人在小樓濃翠裏

山光水色共氤氳

落成纔告已深秋酒陣棋兵夜未休萬箇蕭蕭聲戛玉
此君畱我宿高樓

秋光到處絕纖埃危坐臨風幾溯洄牆外烟巒牆內樹
一齊收入綺窗來

鏡香亭外蓼花汀凝翠樓連知稼亭好待春光三二月
荷錢貼水稻秧青

山上松濤聒耳忙署後鳳鳴蓮宇諸山祠廟閒松杉最多樓中燈影伴蛩

蟹方塘更有殘荷在秋雨秋風夜正長

凝翠樓落成招飲

張軒鵬邑舉人

知稼亭原小蝸廬不在寬安排營斗室妥帖對岑巒暑

榮 縣志 卷三十五 藝文志 國朝詩 三五

到此無塵境悠然豁遠眸天纔開境界人劇愛風流路

曲因刪竹牆低不礙樓放衙佳客集夜坐數更籌

訟簡多餘暇衙齋日月長窗排雲外岫座挹鏡中香新
雨蕉抽碧微霜柳染黃山林在都市花月好平章

聽雨樓中住曾經聽雨聲倚欄常看水對月屢飛觥往
事都陳迹重來倍有情只慚詩律拙髭斷句難賡

凝翠樓落成集宴

廖朝翼邑進士

鏡香亭北起高樓水色山光望裏收碧暈池荷清露冷
翠籠徑竹晚烟浮放懷且啓窗三面遣興時傾酒一甌

重振騷壇追務觀無邊風月任題留

鳳鳴朝陽

教諭 劉德煜 南充人

朝來旭日望東昇鳳集高岡紫氣凝

聖教昌明天運泰主山

山為縣中主山

靈秀物華增會當儀羽翔千

仞還照文星透幾層

山上有文昌宮右下接奎星樓

盛世瑤篇珍鸞鷲和平雅奏播聲稱

龍湫夜月

何年溪洞隱神龍谷窈雲深霧復濃睡抱驪珠原不夜

虛涵兔魄了無蹤煙飛峽口光千丈鏡印波心影萬重

佇看騰空噓氣日蒼生霖雨快時雍

榮縣志

卷三十五

藝文志

國朝詩三

萬景岑樓

迎恩門外快西行

西門舊名迎恩門

直上岑樓萬景清人在鏡

中窺遠畫身凌日表俯層城江流兩派分還合

西東二水繞城

流至南門復合

山峙千尋雨復晴收拾三榮歸眼底迴欄倚徧

不勝情

雙溪書閣

誰家書閣近雙溪王氏高風舊品題講教泐開塵世外

洞名講教後人所題

聳雲山鎮日華西

王潛夫人向氏鑿洞山下延師教子

千年碧

水香波湧一帶青峰野鳥嘯詩禮堂中遺跡在那堪煙

雨悵淒迷

清富登臨

曾聞清富擅風流九摺屏前紀勝遊

山背壁立九摺宋人刻九摺屏大書

崖此日荒煙兼蔓草當年舞榭又歌樓難尋舊址稱藩

府賸有崇祠祀武侯

榮王府舊在山麓後廢改建武侯祠

笑我登臨憑弔

古驅車欲去復勾留

嘯臺遊賞

真如崖畔古荒臺

嘯臺在真如崖畔相傳為孫登嘯臺

長嘯浮雲任去來

金石有音原別調鳳鸞諧韻豈凡胎閒遊可有詩千卷

醉賞端宜酒一杯不識高人何處去祇今遺跡費疑猜

榮德晴嵐

洞府神仙自有真

志載陳搏在此修真老子亦嘗駐此誰從勝地問前因

天開晴色雲容麗岫湧嵐光景物新石室長飛千匹練

蓮池不改四時春

一統志山中有石室二池十四所龍池千葉蓮

我來閒共山

僧話卽此超然物外身

筠山夕照

金烏飛出耀長空最好山宜返照紅半壁窺來濃翠外

斜暉送入畫圖中鴉飛共閃霞千片鹿走羣歸樹萬叢

際此桑榆休訝晚有餘佳氣更蓬蓬

龍頭豎筆

龍頭山勢最玲瓏文筆巍然聳半空直插雲霄疑畫日

時揮煙雨逗飛虹堂開三教基猶在山上舊立三教寨

鎖重門氣亦雄試問科名誰獨占巖邊消息已潛通土

相傳巖邊土
坑定有科名

翠壁凌霄

突起危峰列畫屏岩巖高聳影亭亭凌霄透出懸巖勢

削劍生成絕壁形雨後晴嵐橫漢碧雲端溼翠逼天青

有人翹首來攀仰聲聞遙通帝座靈地名三教堂高峯
陡起石壁如削橫

長
可甚

魚磯垂釣

七里巖灘溯古風先生遺跡許相同姓名祇入神仙傳

榮 縣志 卷三五 藝文志 國朝詩 美

心事全歸釣隱中江上斜陽光閃閃磯邊明月影朦朦

一絲九鼎誰鑄石塵世榮華夢未終

石筍排空

天生石筍峙城西石筍山在城
西七十里瘦削排空孰與齊轟轟

高標凌日月森森峭勢薄雲霓毫無依傍千尋聳獨自

支撐萬象低想像清班分玉種直從平地上仙梯

題天生橋 署嘉定府 劭 襄 勳 蓮溪

百里來龍兩目山名分蜿蜒飛夾半天雲橋左有尖山馬
鞍山半天雲三

峰對峙宛然鳥此行未識南條水
縣中水道亦分南北

翼夾飛之勢東流入縣
橋上回頭問老君
老君山名塔立摩天在感
稱老君丹竈在榮稱榮德

晴嵐至此橋約二十餘里忽橋頭一山掉頭遙望相向有情地師所記回龍顧祖狀

駟馬高車那足驕曾從野店覓山橋早次恩沐山旅店由橋入縣有大石門小知入縣一路山名

石門重鎖疑無路由橋入縣有大石門小一路長虹貫

九霄

蠶叢有路山猶繭小倉山行詩青山似繭將人裹魚腹無書石作圖莫

道此橋名不著天生一線地靈扶

三榮繚繞亂山中鳧鳥飛來保障雄怪底行人傳治譜

乘輿不濟濟天虹

苦孝歌

吳邁邑廩生

邑民李國璜配趙氏貧無立錐性特孝夫運煤婦刈

榮縣志 卷三五 藝文志 國朝詩 五

草鬻以餬口而百計覓甘旨養親或宴他所必懷肉

歸奉母終身如一日里中諸生吳一峯李之楨具實

白儒學表其門曰苦孝可風爰作歌紀之以備輪軒

之采

人事萬變根本始明天察地推孝子孝行有玷人道虧

勳業文章朽腐耳李傭夫婦家赤貧竭來繫念惟老親

謀生計拙負薪炭苦尋甘旨娛饗殮菽水雖歡食無肉

傷哉高年難果腹鄰家宴客旨且多舍肉懷歸供母箸

母目盲矣身康強祗緣子婦調羹湯畢生孝養率天性

遂令里碑題上痒我聞孟宗哭竹祥臥冰彼猶暫苦非

常行又聞穎叔遺羹績懷橘彼猶薄宦非窮促吁嗟翁
媪事萬難胼胝作苦承親歡君不見豪貴家家役厮僕
堂上無人勸加餐

雅煙曲

并序

吳邁

陳竹籒太僕姬李氏湖北襄陽人年破瓜歸太僕識
字精算法太僕命司筦鑰出納惟謹咸豐二三年間
賊兩陷武昌太僕老且病恐玉石俱焚遣子有銛保
家室回籍姬遂卸佩環斷暈酒遙祝峩眉山神默相
家主病愈四年冬太僕守荊州賊掠所屬太僕力疾
視師五年夏病劇卒於軍訃聞姬慟絕欲殉夫火慰

榮縣

志

卷三五

藝文志

國朝詩罕

之曰旅櫬未還幸緩須與母死也姬泣從之既而
愿峩眉欲撲捨身巖爲侍婢所覺未果六年夏太僕
樞返姬迎入室寢苦枕塊水漿不入口者十日卒不
死乃覓雅片煙一盞和酒飲婢覺奪其盞已吸盡矣
入室更衣出拜樞前而沒家人從其志與太僕附葬
邁維烈婦殉夫與忠臣殉國一也今太僕死王事姬
以身殉之忠烈一門足爲桑梓生色第太僕事具傳
志流播自遠而李姬事或罕聞因作長歌表之命曰
雅煙曲

嬰粟煮煙名作雅西洋鬼域傳中華殺人如草不見血

可憐毒殺仙李花襄陽李花白如雪一枝亭亭負奇節
荊州太守撥歸來二十年間無子結記得芳齡二八秋
小星載詠抱衾裯亞字欄邊觀繡譜青綾帳裏握牙籌
宦海收帆須及早相期白首林泉老綠珠篋笥貯財多
疏傅家山歸日好一朝風鶴泣滄桑滿地江湖盡虎狼
城郭驟開新戰壘鼓鼙驚破舊霓裳太守常山同激烈
誓平安史報君國特遣妻孥返故鄉好專心力驅羣賊
此際楊枝別淚傾此時諸葛病投營捧心默禱眉山佛
茹素常祈太守生妖氛往復殲將滅露布聯翩時獻捷
太息蒼天不諒人大星夜落紅旗折死到沙場姓字香

榮

縣志

卷三五

藝文志

國朝詩

四

訃書千里報榮陽欲看馬草還交趾肯學城崩哭杞梁
傷心旅櫬遲歸里屈指經年嗟逝水往日巖前未捨身
今朝苦次庸賒死不用投繯損好容不須金屑苦填胸
雅煙一盞完吾志更比醇醪氣味濃侍兒攘臂救不得
血淚迸流聲息絕杜宇哀鳴樹有風陰雲慘淡天無色
吁嗟乎視死如歸眾所難阿誰捫腹有心肝妾身殉節
節殉國永留忠烈後人看夜台煙鬼知多少醜毒宴安
殊草草一嘗此味遂千秋笑殺燈盤守昏曉祇今華表
豎山顛浩氣凌霄月再圓傍塚農家還解事獨栽仙李
不栽煙

吳王氏姑媳殉難 事具列女志

吳邁

李花撩亂百花羞多少清流濁流獨有赤心盟白水
更攜碧玉下朱樓一泓激灑隨魚躍兩世翩翻跨鳳遊
泰岳鴻毛誰較重完貞遺跡炳千秋

出門攜手指漪漣齊赴方塘作水仙春到故樓花竟落
志如精衛海猶填潭深自照湘娥月堰古應題玉女泉
他日懷清台更築 恩綸遙賁九重天

烈婦李邱氏 事具列女志

劉德綱 邑庠生

飛揚滿地沙塵走幽芳凡卉多蒙垢惟有瑤池仙界蓮
潔身不肯纖埃受河南園裏毓名花移植太原公子家

縣志 卷三五 藝文志 國朝詩聖

並蒂方欣開水面妖風無奈起天涯秋日家山飄瘴雨
豈宜坐觸氛祲死潛蹤急奉北堂行微服未遑容色毀
突然當道遇豺狼魑魅逢人喜欲狂但見芙蓉羞粉黛
安知松竹傲冰霜剛腸翻作柔腸樣從容不露慷慨狀
軟語能教猛虎降隱衷那許強徒諒一泓止水靜無波
宛似靈均赴汨羅黠虜亦嘉全節少冰魂應作水仙多
慈姑仁愛驚從井羣醜相憐復相梗君子成美善念同
貞姬殉難天心忍狼煙散後藁砧歸半面空餘破鏡悲
譚婦池頭能鑑影曹娥江上不浮屍澄潭漾碧人端坐
衣裳修整雲鬟妥莊嚴金像儼如生混濁汙泥全不墮

無數環觀道左人幾人歎羨幾酸辛芳徽自足標今古
呵護由來有鬼神吁嗟乎成仁本是男兒事此日竟從
巾幗致甘心殞身不辱身坐令幾許鬚眉愧女貞只務
自全貞那意人間不朽名賴有寒塘山上月千年長照
此心清

筠山曲 并序

汪 涵 邑庠生

邑西筠山畢氏女幼字曹氏子曹家中落女父母欲
悔婚商之女女曰兒身既字曹氏今以貧而背之人
其謂我何父母怒竟招媒氏議婚他族女知之泣涕
者數而無如何一日隨母適外氏故與曹隣偶同舅

榮 縣 志

卷三十五 藝文志 國朝詩三

女摘花陌上見一少年牧豕山麓舅女指曰若識之
乎卽若夫也聞若父母悔婚若頗願嫁此子否女無
言歸託病卧伺閒潛往曹子處謂之曰君識妾不曹
子曰不識女曰妾故卽室也父母以卽貧將改字妾
不願矢志歸卽俟某月日父母俱赴某家宴卽可陰
倩車乘迎妾既歸卽則父母無如何矣曹子曰恐有
禍奈何女曰有妾在無慮也諄囑而別女歸潛檢衣
飾至期曹果來迎父母方在人家筵上家人奔告急
歸已無及次日女偕夫歸甯父母將責之女慨然曰
兒前爲畢氏女可責今已爲曹家婦不可責也父母

不得已慰令歸以十萬錢資之而罷前日之議婚者
女善操作家賴以起酒賢此女作長歌紀其事命曰

筠山曲

筠山西接峩眉峯峩眉秀氣生閨中文君薛女顏如玉
只有風流少節義吏部家聲比謝王掌上明珠字平陽
柳眉未掃愁先展蓉鏡初持憾便長自小許得清門庶
不料黃姑信久誤檀郎貧作牧豬奴二八青春將歲度
阿爺豪富石崇家欲把支機付客槎柔絲有力難相綰
卷耳無心空自嗟天恐連城竟失趙特留駒隙將人導
獨持玉杵過藍橋一片心事向誰告阿嬌長對金屋悲

榮

縣志

卷三五

藝文志

國朝詩四

憾欲傳書青鳥稀幸有小姑能解事笑指蕭郎此處扉
避人暗絕盤中食綠綺未彈鳳先至田中卻缺猶未知
陌上羅敷忽相識兒女心懷那計私多情還把後約期
歸來不取菱花照打點衣裳備嫁時光陰轉瞬何劇迫
椿護遠作賓筵客衙城竟謫梁玉青笑指牽牛作太白
師伯呼車莫阻他雲翹從此渡天河紅葉水深流不去
紫鸞音好聽偏多留髮席上醉如夢忽聞吹簫已引鳳
急歸無路覓亡羊空嘆一家成鬼弄惱公明日復于歸
夫婿鷓鴣拜慈闈莫向池塘將鷓打須知藥店有龍飛
王孫有才善補過遂合六州鑄大錯吹噓苦李葉成陰

培養天桃花結果我來走馬筠山巔山雲萬點翠鬟妍
時聽鄉人談往事一對鴛鴦勝散仙

丙戌重九登榮梨山小飲

廖朝翼

榮梨之高出羣鬢榮梨之秀蒼編爛放翁去後無題詠
誰識三榮第一山我來此處當重九徑有黃花樽有酒
醉後高歌欲問天脫帽臨風一搔首千里平明壯大觀
洞口豐碑仔細看古來卓卓稱名勝胡爲以後無衣冠
衣冠今日凌蒼翠山遇奇兮山意遠我代山靈謝壯遊
微言一一君須記諸公佳會爲登高呼雲坐霧餐醇醪
榮德榮隱旁相伺當使他年稱羣豪君不見蘭亭唱和
縣志

卷三十五 藝文志 國朝詩望

地人傳又不見洛社風流今古仰我居東道愧主人珍
重芳踪今一往樂矣乎吾儕遊玩豈等閒一聲長嘯會
令山鳴谷應千秋聞逸響

前題

廖朝滙 恩貢

菊酒香含落帽風望山山勢翠微中同懷客訪嘯陰洞
食餌儂思沛澤功石有仙人曾鼎扇池蒸霞氣尙玲瓏
好題蕉字慈雲壁未翦輕紗莫漫籠

宋牟阿同撻虎救母歌

郝元琛 恩貢

我聞漢縱縈上書救父父全生又聞唐盧氏冒刃衛姑
姑不死不及牟家女更奇韶齡巾幗勝鬚眉父老爭談

撻虎事孝心一起神扶持儂家生長北箐口阿回小字
稱名久弱齡未解繡鴛鴦終日持鞭逐牛走龜子山頭
日欲沈阿母來呼返故林漫道應聲隨母口須知此際
望兒心妖雲四起風亂舞中道忽逢雪額虎虎爪如鐵
牙如刀啣母奔馳母何苦大呼一聲山爲開急履虎尾
逐虎來手持竹梢與虎鬪母不生還兒不同一擊再擊
虎縮舌脫口捨母歸虎穴直前扶母啼向天母語喁喁
聲未絕阿父聞呼動地來虎逃母亦赴泉臺兒家別有
傷心事未能殺虎祭母骸吁呼嗟俗兒見虎不能語况
敢於虎施箠楚以母爲天天相之猛虎雖猛小如鼠君
不見牟孝女

榮

縣志

卷三五

藝文志

國朝詩

哭六

甲戌重遊泮宮

廖朝翼

泮水遊來六十年

嘉慶十九年
侍進嘉郡學

者番重到已華顛不慚

老嫗參新婦要領羣英會眾仙芸館隨人稱後輩

館例
繼至

者稱筍班爲我續前緣

丙申散
館未留

五雲深處如回首應笑

龍鍾共樂天

脫去朝衫事硯田校讐古籍出新編

同治八年刻四
書音畫畧辨

深

知性拙勤能補直到顏衰信益堅文運急須人振起

後
余

登甲榜者僅三
人近年未有

科名應勝我開先鵬搏指顧風雲會願

著宮袍賀綺筵

抽身宦海少風波

咸豐六年需次秦中四十餘日藉差旋里

兀坐皋比且琢

磨蛾術時將書再讀駒光肯任隙輕過捐除俗累忘憂

早

不營華屋不謀良田故累少

交得良朋受益多

有直諒多聞友數人

今與盛

筵心頗壯不知此後又如何

生當

盛世重文明太學會聞養五更重賦鹿苓憑

晚運

尙待十年

權歌鸞藻作先聲不才愧我仍株守

自旋里後不復

作出山想既耄何人樂玉成爲語諸君趁年少早圖勳績報

昇平

丁丑重遊泮宮

丁光陸

澗水

納音所屬

重逢甲己週芹香未改舊風流表裏此日來

榮

縣志

卷三五

藝文志

國朝詩畧

遊客髣髴當年在泮秋回憶同儕驚屈指卻看新貴喜

盈眸相期振翮冲霄漢轉瞬觀成五鳳樓

曾梯蟾窟會羣仙兩遇罡風折九天

LL西科叨中副榜未恩科仍中

副皓首劇憐虛壯志青袍應悔負英年玉津司鐸成陳

迹

戊子奉札委署

鳳院談經感舊緣

壬子邑侯鄭聘到主鳳鳴講席

此忽看春色暮循源還覓武陵船

倖值瓊筵酌令辰從公于邁話前因不羞白髮頭銜小

爲羨青雲眼界新興逐鸞旂觀盛事歡偕鳧藻踏清塵

諸君莫笑龍鍾叟我是重來薄采人

裹衣博帶一儒生攷禮曾飲食五更老驥何心甘伏櫪

曉鶯出谷樂傳聲桑榆收得春長在
芹藻麇來韻倍澄
寄語當前英妙選好將黼黻佐

休明

借友遊仙人山

劉炳勛

羣山突起一峯高危磴摩天取徑遙
儘有烟霞供古佛
難從碑碣問前朝仙家丹熟空留竈
石嶺雲橫不鎖橋
幾度凭欄怕惆悵賽峩亭畔竹蕭蕭

金剛石上證前因想像空王不壞身
遠駕仙風凌碧落
高懸佛日照紅塵名山過眼皆陳迹
勝地談心有故人

憑弔遺徽歸路晚白雲回首意逶迤

山頂有石橋石竈及賽峩亭金剛石

唐仙遺跡佛日仙風諸石刻

樂

縣志

卷三五

藝文志

國朝詩

吳

宋詞

榮州作 水龍吟

陸游

樽前花底尋春處堪嘆心情頓減一身萍寄酒徒雲散
佳人天遠那更今年瘴煙蠻雨夜郎江畔漫倚樓橫笛
臨窗看鏡時揮涕驚流轉 花落月明庭院悄無言魂
消腸斷憑肩攜手當時曾效畫梁栖燕見說新來網縈
塵暗舞衫歌扇料也羞憔悴慵行芳徑怕鶯兒見

游三榮龍洞 驀山溪

窮居孤壘臘盡春初破寂寞掩空齋好一箇無聊賴的
我嘯臺龍岫隨分有雲山臨淺瀨陰長松閒據胡床坐

榮

縣志

卷三十一

藝文志 詞

三杯徑醉不覺紗巾墮畫角喚人歸落梅村籃輿夜
過城門漸近幾點妓衣紅官驛外酒樓前也有閒燈火

三榮橫溪閣小宴 沁園春

粉破梅梢綠動萱叢春色意已深漸珠簾低捲筇杖微
步冰開躍鯉林暖鳴禽荔子扶疎竹枝哀怨濁酒一樽
和淚斟凭闌久嘆山川冉冉歲月駸駸 當時豈料如
今漫一事無成霜鬢侵看故人強半沙隄黃閣魚懸帶
玉貂映蟬金許國雖堅朝天無路萬里淒涼誰寄音東
風裏有灞橋煙柳知我歸心

題高齋 桃源憶故人

三榮治西有樓曰高齋下臨山村蕭然如世外予留
十日被命參成都戎幕去臨行作

斜陽寂歷柴門閉一點炊煙時起雞犬往來林外俱有
蕭然意 衰翁老去疎榮利絕愛山城無事臨去畫樓
頻倚何日重來此

應靈道中

三首按榮唐天寶元年改應
靈五代因之宋初猶曰應靈

欄杆幾曲高齋路正在重雲深處丹碧未乾人去高棟
空留句 離離芳草長亭莫無奈征車不住惟有斷鴻
煙渚知我頻回顧

一彈指頃浮生過墮甌元知當破去去醉吟高臥獨唱

榮縣志

卷三五

藝文志

詞

二

何須和 殘年還我從來我萬里江湖煙舸脫盡利名
韁鎖世界元來火

城南載酒行歌路冶葉倡條無數一朵紅鞞凝露最是
關心處 鶯聲無賴催春去那更兼旬風雨試問歲華
何許芳草連天莫

國朝賦

羅星閣賦

以天開文運古
迹重光為韻

鄒學山人邑舉

城題小錦地入參躔戎燹環之以作域資陵拓之以為
邊沙河窈窕而南帶粉壁迤邐而北連火井隆隆沈熒
於東角石林冉冉疊翠於西偏清流澄兮外繞旭水澈
兮中旋列雁齒於當關虹橋束三榮之壤建鼇峯而冒
闕琳宇掀五寶之天原夫驚心峽啓擦耳崖回崖在閣
側非梧
桐溝之擦
耳崖也後戶之奇始闢前門之障未噴砥柱凝休王
佐分符而至重淵毓秀帝子駕輦而來麗靖侯所憑依
神徵活棗陸放翁之玩賞興寄尋梅韋拔披星澤畔馬

榮

縣志

卷三十五

藝文志

賦

鳴草偃陳搏駐鼎池心龍噴蓮開若乃人懷白璧士附
青雲費子漆身抗節劉光縱筆超羣傳稱嗜古秦號能
軍北箐孝勇之心人閒罕覲東川忠義之膽天下希聞
王元老軒內彈琴泉聲夜落榮隱公磯頭垂釣蘆葉秋
芬當元氣之猶存嘗鍾物望迨要津之既鑿遂礙人文
又况天險不畱人為復憤波心累石海鹽之傑構不終
鏡面擎樓湘水之雄圖難問苞苴罔固其本原蘊蓄漸
衰於晚近方期慈君駐節舉所墜而忘勞何幸明府下
車輿所廢而不靳白叟皆趨黃童俱奮神斤鬼斧不必
假乃力以觀成卓識鴻裁要惟秉匠心而獨運則見

列十尋而孤超簷高百尺而下俯畫棟凌烟珠簾捲雨
危臨細柳之堤特立垂楊之浦紅霞激射迷離桂殿蘭
宮白鷺飛還掩映雲巔竹塢連江之甸杳杳夾岸之原
撫撫上蟠下際半空鎖住乾坤夕霽朝陰一日衍成今
古於是塞溪口而培風踞灘頭而振脉鵝項遙吞龍頭
近拍桂林延青蓮宇送碧內接飛仙外迎野客佛千龕
兮宛在其窗櫺屏九摺兮恍近其几席既若夔門之灩
澦扼要巴渝還同灌口之離堆爭奇梁益雷轟電掣無
憂萬壑之淘物換星移復覩二侯之迹及其援梯延佇
拾級雍容平沙駭日遠谷震胸跨丹青而騁步分素練
以扶筇此日昇平回眸而失吹螺之路當年笑傲跂足
而追集鳳之蹤烟火綿聯依稀想陸騰故壘村墟繡錯
彷彿思宇文遺封氣接冥濛儼吹噓於八極聲傳廣漠
如咳唾於九重嗟嗟齊雲峭拔落星軒昂臨春藻麗結
綺輝煌然不過藏粉貯香誇纖穠於人世豈若茲鍾靈
獻瑞發瑰璋於文章况楚甸秦關既干戈之寂寂時教匪初
平則茅簷蔀屋當絃誦之忙忙爭搜九邱八索奚分三
里四鄉乍結伴以登臨期羣儒之鶚薦願拈毫而點綴
紀奔葉之奎光